


BERNARDI¹ GEORGII.

PATRICII VENETI

EPITAPHIA, ET EPIGRAMMATA
ALIQVOT, QVÆ DVMPRÆTOREM
PATAVII AGERET OBITER
COMPOSVIT.



Ad Lectorem

IVS dicens, totam gradiens passimq; per urbem,
Quæq; obiter prætor carmina composui,
Edimus haud laudis studio, aſt Virtutis amore,
Quisquis es hæc quæſo perlege mente proba.
Inuenies aliquid, Quod te fortasse iuuabit.
Nugæ etenim interdum ſeria ferre ſolent.
Si nulla utilitas, ſi non erit ulla uoluptas,
Diſces, ne pereat tempus inane tibi.

Quos errores impressor commisit, dum opus
hoc excuderet, ita corrige.

Pagina 2. in fine, ubi impressum est aictantia,
corrigatur iactantia.

Pagina 7. a tergo uersu 5. ubi legitur redimisse,
corrigito eripuisse.

Pagina 12. In epigrammate Cortonei uersu 12. ubi
extat impressum gestant, tu corrige gemant.



BERNARDVS GEORGIVS, P. P.
PATAVINAE NOBILITATI, PATA-
uinæq; Academiæ S. P. D.



PITAPHIA, & Epigrammata quæ ha-
ctenus ex quo Patauiani Præturam exer-
ceo, magis ex tempore quàm à cura effin-
xi, quibus decētius nuncupauerim, quàm
ornatiss. Patauina Nobilitati, Patauinaq; doctiss.
Academiæ. Enimuero, ut prætoria edicta, & acta à
me in hunc usq; diem constituta in communem to-
tius ciuitatis usum, & cōmodum, amantiss. promul-
gata sunt, ita etiam paucula carmina hæc nostra ad
Ciuum (si quis tamen ea suspensis saltem oculis lege-
re aut percurrere uoluerit) uoluptatem, & solatium
excogitata nunc pari affectu deprecuntur. Quæ in-
quam carmina prout fors, & occasio se, se mihi obtu-
lerunt obiter lusi. Sint igitur uobis obsecro nobiliss.
Ciues præclara Antenorea progenies à qua olim
maiores nostri plurima ex parte originem traxerunt
hi uersus nostri siue potius lusus, ueluti testes, cum
studiorum meorum, quibus adolescens trienniū ope-
ram dedi in florentiss. Gymnasio almæ huius Urbis
bonorum ingeniorum, bonarumq; Disciplinarum
alumna: tum perpetuum pignus, & monumentum
propensiss. meæ erga uos beneuolentiæ. Quem ni-
mirum affectum, uestra de me existimatio, addo etiā
(si absq; auctantiæ nota dixisse licet) obseruantia: un-

decimo abhinc mense, ex quo apud uos dego, admi-
nistrationiq; huius inclytæ urbis præfideo, maio-
rem in modum auxit, ob quod, & si ampliss. hac Præ-
tura negotiorum, & occupationum plena, & cui re-
liquæ omnes Præturæ Venetæ ditioni suppositæ fa-
cilè cedunt, acriter, & uehementer uestra causa labo-
raui. Si Deus tamen (ut spero) cœptis annuerit, & fa-
uerit, uitæ meæ, ac honorum, quibus fungi contige-
rit reliquo decursu, gratiam parem, ut alumnus, &
amantiss. Prætor uester relaturum profiteor, & con-
fido. Vestra igitur omnium intererit ne longius di-
grediar, deinceps obseruare, ac curare, ut si quis huic
nostræ lucubratiunculæ ueluti parum ingeniosæ, pa-
rumq; eruditæ, ac ætati, atq; dignitati nostræ pa-
rum congruæ detraxerit, uestra aura, & auctoritate;
ac studio, eam, ut pote uestro nomine, & uestra gra-
tia meditatam, & elaboratam, demumq; in manus
hominum emissam, acri, & alacri animo sine ulla ex-
ceptione officiose tueri. Valete. Data Patauij
octauo Kal. Nouembris M. D. L VII.

INSCRIPTIO SEPULCHRI
ANTENOREI.

Troius Antenor iacet hac sub mole sepultus,
Qui patria eversa, classe has delatus ad oras,
Euganeis bello uictis, hanc condidit Urbem,
Vnde hoc defuncto socij erexere sepulchrum.

Altera inscriptio.

Hic iacet Antenor troiana ex Urbe profectus,
Qui patria pulsus, Patauinam condidit Urbem,
Palladium ex Asia portans, & pergama secum,
Qui functus uita, fuit hoc sub monte sepultus.

Epitaphium Titi Liuij Patauini.

Liuius extinctus iacet hic, quem fama superstes
Incolumem seruat, tum superesse facit.
Quem labor, & studium, phrasis quoq; lactea, priscas
Scribentem historias sydera ad usq; uehit,
Multum igitur debes patauis Romae incluta, nam te
Liuius exultat, dum tua gesta refert.
Adriacam donec præterfluet Albula molem,
Tantisper Liui fama superstes erit.

A iij

Epitaphium Petri Aponensis

*Non est tam medicas Aponus memoratus ob undas,
Nomine quàm clarus factus, & arte mea.
Stella Aponum ornauit, Flaccusq; Valerius olim,
Musarum, & Phœbi fidus uterq; cliens,
Doctrina uerùm nostra, magicoq; professu,
Nunc idem ornatur, fit celebrisq; magis.
Sulphureas dùm fundet aquas, Aponusq; calentes,
Vsq; adeo uiuet nomen in orbe meum.*

Epitaphium Reuerend. & Illustriss. Petri

Bembi Cardinalis. S. R. E.

*Prominet hic Bembi effigies sine uoce uiator,
Quem lingua ornarat stemmate cardineo,
Non obijt certè nec uocis deficit usu,
Cuius docta uirum scripta per ora uolant.
Doctorum ueneranda cohors lætare sepultos,
Vos post fata etiam uiuida fama manet.
Et licet in petra hac Petrus per sæcula uiuet,
Doctrinæ uiuet plus ratione tamen.
Omnia consumit tempus, doctrina beatos,
Atq; immortales efficit una homines.*

Epitaphium Alexandri Contareni

Procuratoris.

Hæc

Hæc maris, hæc belli, nauali hæc arte peritum,
Atq; manu promptum continet urna Ducem,
Nomen Alexander, cui Contarena propago,
Qui Procurator Marcius extiterat,
Diues opum, haud ulli fama, aut uirtute secundus,
Hic moriens, fieri hoc qui sibi iussit opus.

Epitaphium Hieronymi Michaelis

Mole sub hanc præstans situs est Hieronymus ille,
Illustris genuit quem Michaela domus.
Cui genitor sapiens extrat summusq; Senator,
Melchior, Adriacæ gloria rara togæ,
Præfuit hic leuibus, grauibuscq; triremibus olim,
Militiæ æquoræ, non sine laude uacans,
Ingentis formæ, atq; animi, uir promptus, & acer,
Post fatum hanc sedem qui sibi constituit.

*Epitaphium Lazari Basani græcæ, ac latine
linguæ professoris præstantissimi.*

Nosse Viator aues, ex ære hæc cuius imago,
Quæ Mausoleo prominet in medio,
Lazarij effigiem quare hanc scito esse Basani,
Qui graio, ac latio præstitit eloquio.
Cui Phœbus genitor, genitrix cui docta Minerua,
Cui puero nutrix Calliopcia fuit.

Qui plures Padusæ docuit feliciter annos,
Inferior nulli rhetor in arte sua.
Quatuor, atq; decem uitæ qui lustra peregit,
Citra ullam morum, citra animiq; notam.
Vnde uiro hanc molem posuit mœstissima coniux,
Affectum erga illum testificata suum:

Epitaphium Fulgosi Iuris Vtriusq; Doctoris.

Sacrarum Legum iacet hic, iurisq; peritus
Fulgosus, fulgor maximus Italiae.

Epitaphium Bernardi Georgij

Bernardi scito cineres hic esse Georgi,
Marmoream quisquis prospicis hanc tabulam,
Ordine patricio, plures qui gessit honores,
Pro patriaq; domi, pro patriaq; foris.
Cui Phœbus inuem, doctæ pariterq; sorores,
Cuiq; seni dotes contribuere suas.
Deterior nulli fama, aut probitate Senator,
Qui patriam ornauit moribus, eloquio.

Epitaphium Alexandri Socini

Mariani f:

Ciuis iuris, pariter sacriq; peritus,

Socinus

Socinus præstans hoc iacet in tumulo.
Nunc ubi sit doctrina uiri, dic quæso uiator,
Dic ubi nobilitas, fastus, & ingenium,
Omnia prætereunt, pertingunt omnia finem,
Nil non falce sua mors uiolenta secat.
Sola igitur post fata iuuant, mens conscia recti,
Religio, probitas, candor, & integritas.

Epitaphium Antonij Gatæ Mellitæ cui Statua mar-
morea super foro Diui Antonij posita fuit.

Quanta fides nostra extiterit, qualisq; uiator,
Quam fuerim patribus gratus, & Adriacis,
Marmorea hæc moles facile testatur, in ipsa,
Aeneis impositus quiq; colossus inest.
Quæ mihi sponte sua erexit, posuitq; Senatus,
Nimirum immensa pro pietate Patrum.
Huc animum, huc oculos quæso conuerte utator,
Sic me immortalẽ præstitit alma fides.

Epitaphium Reueren. D. Petri Barotij
Episcopi Paduani

Præclarus iacet hic Præsul Barotius ille,
Gloria pontificum, sacericoliq; gregis.
Quem probitas, pietas, splendor, doctrina bearunt,

A 5 Atq;

Atque immortalī copulauere Deo:
Quem regio Patauina dolet, quem totus & orbis
Et pauper sanctum, flet locuplesq; uirum.
Sed quid Virtutes, sed quid præconia tollam
Pontificis, cælum scandere qui meruit.
Id dicam, nullum in pataua sedisse cathedra,
Cœlituum qui plus dignus honore foret.

Epitaphium Thomæ Barbadici clariss.

D. Andreæ filij.

Thomas Barbadicus iacet hic, sors unica uitæ,
Unica progenies, spes, columenq; patris,
Ingenuus, prudens, præstanti corpore, forma,
Quiq; fuit raro præditus ingenio.
Octo decemq; simul peragebat molliter annos,
Dans operam studijs cum moreretur inops.
Præfecto Pataui misero genitore relicto,
In lachrymasq; actis ciuibus, & patauis.
Spiritus ast Thomæ cum cæli in parte quiescat,
Mors ferri à cunctis mitius ista potest.

Inscriptio ornatissimi, & splendidiss. Palatij Exce.
lentiss. Doct. Marci Mantuæ plurimis ue-
tustiss. signis, & tabellis referti.

Græcia quot nunquam uidit, neque Roma sub uno
Collectas tabulas, marmora, signa lare.

Tot

Tot domus una capit Marci, qui Mantua diæus,
Ingens Euganeæ est nobilitatis honos.
Eximus uere doctor, iurisq; peritus,
Præstans consilio, clarus & eloquio.
Qui pridem magnis opibus monumenta uetusta
Undiq; collegit, contulit hucq; simul.
Romanos proceres, uideasq; hic ordne Graios,
Quot celebresq; ætas quælibet ante tulit.
Herculis immensa hic è saxo forma colossi,
Numorum hic ueterum copia larga patet.
Hanc aulam si quis lustret, uelut ante decoras
Europam, atq; Asiam se putet inspicere.

Inscriptio horti simplicium herbarum medicarum.

Mœnia quæ structa hic, quæ forma hæc ampla theatri
Quis labyrinthæus, qui uiret hicq; locus,
Non hic Alcinoi Phæacum principis horti,
Hesperidum non hic cernere poma datur.
Simplicibus herbis locus est, plantisq; dicatus,
Flos, Folium, Radix hic peregrina nitent.
Germina quot Pontus, felix quot Arabia nutrit,
Quæ legit in campis Mædus, & Assyrius,
Hic pariter uideas, quæ Cyprus semina, Baccas,
Quas etiam stirpes Creta, Rhodusq; ferunt.
Area Philosophis tantum hæc, medicisq; parata est,
Doctrinæ

Huic horto medicæ præsidet auctor opis.
Mandato Adriaci facta hæc impensa Senatus,
Gymnasium dum plus demeruisse cupit.
Quisquis amat medicas herbarum agnoscere vires,
Quæ docuit Macer, quæq; Dioscorides,
Conferat huc sese, plureisq; hic transigat horas,
Non minor euadet nanq; Podalirio.
Inuentum medicina fuit, munusq; Deorum
Inuentum Venetum est, munus, & iste locus,
Super tribus malis puniceis miræ magnitudi-
nis, & suauitatis ad Hospitem.

De trabe, quæ spectas pendentia pūnica mala,
Qualia non uidit, quanta nec Alcinous,
Natalis, comitis reuerendi protulit hortus.
Nunc diui Antoni qui sacra claustra regit,
Ne tu tam pomi formam mirere, sed ipsos
Prædulces succos, granaq; conspicua,
Aegrotis, sanisq; simul gratissima, quando
Nectaris exhibeant, ambrosiæq; uicem.
Cum Deus ipse igitur terrarum conderet orbem,
Has Adæ plantas inseruisse ferunt.
Epitaphium Hieronymi Nigri canonici Patauini.
Conditus hic Niger est, fuerat qui candidus inquam.
Doctrina

Doctrina, ingenio, moribus, eloquio.
Et licet atra uirum mors intercœperit, album
Attamen illa polo reddidit ætherco.
Illic nunc fulget niueo præcinctus amictu,
Candidus effectus, qui prius ater erat.
Adde quod auctoris tanti dum scripta manebunt,
Vsq̃ue adeo uiuet clarus in orbe Niger.
Hoc Sancti poscunt mores, hoc candida uirtus,
Dux una, una comes quæ solet esse bonis.

Ad Beuilaquam de Beuilaquis Doc. &
Equitem, suum Vicarium.
Te dolor interdum capitis sine fine fatigat,
Atque domi retinet, nec sinit ire foras.
Mec̃ contra uehemens torquet persæpe podagra,
Inuitum in thalamo detinet, inq̃ toro.
Mitius exoptem noster dolor urat utrunq̃;
Vt fungi officio possit uterq̃ suo.

Deprecatiō ad Deum omnipotentem cum
podagra uexaretur.
Carmina iam ualeant, Phœbi ualeantq̃ sorores;
Musarum Phœbus iam ualeatq̃ pater.
Non opus est musis nobis, pia pharmaca nostri

Articuli exposcunt, efflagitantq; pedes.
Torqueor infelix nimio langore, nec ulla
Subsidium nostro fert medicina malo.
A tanto superest superi quod nempe dolore
Desertum, ac miserum me redimisse uelint.
Obsecro quapropter uos o pia numina cœli,
Me seruate inopem, ne siniteq; mori.

Ad Gerardum Busdragum Episcopum
Argolicensem.

Qui templo Christi inscruit? Qui prospicit aptè?
Solerti clerum qui regit obsequio?
Busdragus, legum decoratus utraq; corolla,
Moribus, eloquio, relligione potens.
Urbs quem Luca tulit prognatum sanguine hetrusco,
Qui nunc delubro præsidet Argolico.
Hunc & adi, ac uise exoro officiosa camœna,
Pontificiq; probo dic reuerenter aue.
Insper hæc illi perfer, quæ carmina mitto,
Quin magis has nugas nomine redde meo.
Dic etiam, quod dum tranquilla pagina uitæ
Scribitur, interea sustinuisse uelit.
Nanque peracta breui per nos mittetur ad ipsum,
Pollicitus. noster quod mihi scriba fuit.
Præsulis ulterius ne quid pia gesta retardes,
Busdrae

Busdrago salue, dicq; subinde uale.
Dum choreis tota urbs, ludoq; indulget equestri,
Tum Phœbo Prætor, Pieridisq; uacat.
Ergo ne pigeat, quæ pro te carmina lusi,
Suspensis saltem cernere luminibus.
Non ualeat infelix, nec tam malus esse libellus,
Qui non ex aliqua parte iuuare queat.
Grimani uersus cum primum legeris, opto
Deinde uelis ad nos mittere continuo.

Ad Reueren. Episcopum Argolicensem Gerardum
Busdragum Suffraganeum Illustriss.
Cardinalis Pisani.

Extiterint quàm grata mihi tua carmina disce hinc,
Ante diem nam me hæc edere scripta facis.
Si quid erit doctas igitur quod uellicet aureis,
Cum nobis ueniam, tum tibi iure dato.
Auctor præcipuus nanq; es clarissime Præsul,
Vt uulgem nugas te suadente meas.
Ergo uale, & felix diuturno tempore uiue,
Bernardiq; tui fac memor esse uelis.

In Scholares qui petunt facultatem
armorum gerendorum.

Qui studet, ille colat Musas, & Apollinis arteis,
Miles bella gerat, martia tela colat.

In

In eisdem.

Qui studijs operam impendet, doctæq; Mineruæ,
Is uoluat libros, Pieridasq; colat.
Sed qui gradiuq; inseruit, fera spicula uibret,
Et gladios tractet, tum quoque bella gerat.

Ad Reueren. Franciscum Francescinum.

Scodrensi nutrita lacu, tum denique capta,
Anguilla hæc illinc missa subinde mihi,
Mittitur ecce tibi Doctor reuerende, sacrarum
Interpres legum, christicoliq; chori.
Hanc opto læto uultu, tum mente serena,
Accipiasq; animo quo tibi iure datur.
Exiguu munus fateor, sed tempore tali,
Quod deceat, si quis dogmata sancta colit.
Ne studia exturbem, tuâ ne simul ocia rumpam,
Incomptis finem uersibus en facio.
Interea saluè, atque uale Francisce diserte,
Deuinctuq; putes te sine fine mihi.

Ad Reueren. Abbatem Sanctæ Iustinae.

Scodrensi intercepta lacu, mihi missa subinde,
Anguilla hæc ingens en tibi iure datur.
Pontificis dignum munus, tum præsulis almi,

Qualis

Qualis es ò præstans, & Venerande Pater;
Læta igitur capias oro mea munera fronte;
Ac pro me immensum quæso precare Deum.
Proq; datis alias spiris, hanc accipe spiram,
Pectus, & officium tum meditare meum.

Ex Græco.

Per similis Trullæ uir est ingratus habendus,
Quæ solet immissum fundere scissa merum.

In Leonis effigiem quæ posita est super columna
apud Sancti Andreae fanum.
Qui Leo marmoreus stratus, super hæcq; columna,
Visitur impositus, tum pileatus adest;
Custodit pariter templum hoc, triuiumq; propinquum,
Securum, ac tutum tum quoq; reddit iter.
Belua cur pileum gestet, uis scire uiator?
Dicam, ut se metuat, plus fugiatq; latro.
Adde, quod hyberno, ac æstiuo hic tempore degens,
Munitum debet belua habere caput.
Est tamen hic urbis medium qui sentiat esse,
Hinc statuam hanc ciues hoc posuisse loco.
Marcia quæ medio gestant ut pectore signa.
Vrbis, & in media parte locasse ferant.

In Petri Picardi sepulchrum.

Picars

Picardus quod se abscondat, nolitq; uideri,
Quæ faciem inuasit gallica causa lues,
Redde uiro sanam faciem, uelut ante decoram,
Eriget ille caput, os oculosq; simul,
Ast tæbe absumptum uultum ne proferat, ipsum
Cogitur incuruum detinuisse caput.

Epitaphium clariss. Procuratoris Stephani
Teupuli, qui Paduæ occubuit.

Hic situs est Stephanus præclarus, & inclytus ille,
In nostra Vrbe domus Teupula quem genuit.
Insignis, Prætorq; probus, summusq; Senator,
Præfectus terra qui fuit, atque mari,
Procuratorum excelso decoratus honore,
Pro uirtute simul, pro meritisq; suis.
Iure igitur ciuem fleat Vrbs, tantumq; patronum,
Nominis Adriaci laurea qui fuerat.
Nec tantum Venetus, sed & Italus adflectat orbis,
Nam perijt lumen totius Ausoniæ.
Perte rosas, uiolasq; patres, date thura sepulto.
Viuat inextinctum nomen in orbe uiri.
Epitaphium alterum.
Præstanteis plures genuit Respublica nostra
Sæpe uiros, quales martia Roma tulit.
Sed non deterior, sed non minor omnibus illis,
Exitit,

Exstitit, hoc Stephanus qui iacet in tumulo.
Ordine patricio claris natalibus ortus,
Teupula progenies cui generosa fuit.
Gesta uiri tanti si quis percurrere uellet,
Esset opus longa prorsus Odysseade.
Sat tibi nosse, gradus Stephanum exegisse supremos,
Dempto uno, dignus quo tamen extiterat.

Subscriptio picturae in monasterio Diui Antonii.
Huc te qui confers, sacrum pœana canentes,
Quo spectes, uocem continuisse uelis.
Ne tua sacricolis uox sit, neu lingua molesta,
Et si non audis, concinit ecce chorus.

Super Baculo à Bernardino Fornagerio Gymnas
siarcha Iuris peritorum sibi donato.

Rektorum munus Baculus qui cernitur hic est,
Annua Gymnasio hæc qui dare dona solent.
Hic à quo Baculus si quæris, unde profectus,
Sic habens, Fornax Gymnasiarcha dedit.
Super eodem alterum.

Rektoris munus Baculus qui uisitur hic est,
Hos dare Gymnasio Gymnasiarcha solet,
A quo sit missus Baculus si forte requiris,
Sic habeas Fornax hæc monumenta dedit.

Super

Super altero Baculo à Pancratio Thuringio Phi-
losophorum Gymnasiarcha sibi dono dato.

De trabe depictus Baculus qui prominet alta,

In summo cuius splendida sphaera micat.

Pancratij egregium munus scito esse Thuringi,

Qui Pataui insignis Gymnasiarcha fuit.

Super duobus Baculis gymniciis, altero sibi donato

a Zacynthino Gymnasiarcha Philosophorum,

et altero a Lusitano Gymna-

siarcha Iuris peritorum.

Depictos Baculos, auro passimq; nitenteis,

Quos spectas nobis Rector uterq; dedit.

Philosophi sunt dona igitur, Iurisq; periti,

De trabe qui pendent, quos Baculosq; uides.

Præfectis urbis sextili mense quotannis,

Dantur, et hæc toti munera Gymnasio.

Pergratum pignus, patauina testis in Urbe

Adriaco prætor nomine quod fuerim.

Epitaphium Ludouici Pasini.

Philosophus iacet hic Ludouicus maximus ille,

Pasino celebri sanguine progenitus.

Egrecie

Egregie doctus, medicâq; peritus in arte,
Creditus à cunctis æmulus Hippocratis;
Filius hunc tumulum, pariterq; pijsſima coniux,
Erexere uiro hæc, natus at ipſe patri.
Huc qui te confers, Lymphas inſperge ſacratas,
Ac pro defuncto quæſo precare Deum.

Quatuor Carmina duobus Virgilianis addita.

Nocte pluit tota, redeunt ſpectacula mane,
Diuſum imperium cum Ioue, Cæſar habet.
Ille præeſt nocti, luci hic pariterq; diurnæ;
Alter ita officio temperat alterius,
Haud mirū Auguſtus Princeps, Veneriſq; propago,
Iuppiter eſt hominum, cœlicolumq; pater.

Ad Ioannem Michaelem oratorem designatum
ad Chriſtiſſimum Regem Gallorum.

I Decus, I patriæ columen, Venetiſq; Senatus,
Laurea, & Adriacæ ſplendor, honosq; toga.
Te Muſæ, & Charites una comitentur euntem,
Muſarum Phœbus ſit comes ipſe pater,
Atq; iter ingreſſo contingant omnia fauſta,
Neforis, & Pitho ſurgat in ore tuo.
Ad Gallum demum poſtquàm perueneris, opto,
Afflu-

*Afflictum recrees, moestitiaq; leues,
Semper & incolumis uiuas, dum manseris illic,
Legatum dum te Gallia suspiciet,
Opto etiam Regem uictorem cernere possis,
Atq; iterum solita prosperitate frui.
Ere nam Christi est, Regem uti sorte secunda,
Ere totius Christicoliq; gregis.*

*In patriam quò cum fueris de more reuersus,
Incolumi regno, sospite Rege, uiris,
A patribus meritos capias insignis honores,
Quæ labor, & uirtus, præmia ferre solent.
Interea salue, atq; uale præclare Michael,
Et patriam exalta quò potes ipse magis.
Quam tibi præsentī melius retulisse salutem,
Par erat, en absens, reddoq; febricitans.*

*Inscriptio Harenæ sitæ apud
Fratres Eremitanos*

*Hic olim biuugum ludi, hic equitumq; fiebant,
Hic egit parteis histrio sæpe suas.
Comicus in Scenam se se hic, Tragicusq; ferebant,
Impleuit uarios hic Citharista modos.
Prodijt hic Elaphas, Taurus, Panthera, Leoq;
Hinc est hic igitur dictus Harena locus.
Epistola*

*Epitaphium Illustrissimi Cortonei
Principis Angli.*
Anglia quem genuit, fueratq; habitura patronum,
Cortoneum celsa hæc continet arca Ducem,
Credita causa necis Regni affectata cupido,
Reginæ optatum tum quoq; connubium,
Cui regni procures non consensere, Philippo,
Reginam Regi iungere pnsse rati.
Europam unde fuit iuueni peragrarè necesse,
Ex quo mors misero contigit ante diem.
Anglia si plorat defuncto principe tanto,
Nil mirum, domino deficit illa pio.
Sed iam Cortoneus cælo, fruiturq; beatis.
Cum doleant Angli, cum sine fine gèstant.
Cortonei probitas igitur, præstantia, nomen,
Dum stabit templum hoc niuida semper erunt,
Anglia dumq; etiam stabit, stabuntq; Britanni,
Conugij optati fama perennis erit.
Improbæ naturæ leges Libitina rescindens,
Ex æquo iuuenes præcipitatq; senes.
*Epitaphium Reginae Berthæ Henrici
Quarti uxoris.*
Prædia, quæ Præsul, Clerusq; hic possidet, illa
Donauit

Donauit templo Bertha huic celeberrima coniux
Henrici Regis, iacet hoc quæ extincta sepulchro.
Nomine ob id meritum fama quoq; digna perenni.

Ad Lelium Ruinum Bononiensem.

Quod modo si uellem possem Ruine negare,
Gestandi gladij ius tibitrado libens.
Tu fac utaris concesso munere rectè;
Vt gratum ostendas, te pariterq; probum.
Nam mea Prætoris seruans mandata, per Urbem,
Hic dum Prætor ero quælibet arma feres;
Te tamen interea moneo Virtutibus ornes,
Et studeas proauos æquiperare tuos.
Doctrinæ ut fias, armorum, atq; arte peritus,
Et Bruti consors efficiare breui.

Inscriptio Palatij Ecelini Sæuis Tyranni.

Hac quisquis transis, conceptum pone timorem,
Interijt Dominus, qui fuit ante domus.
Non plus hic habitat Sciron, dirus ue Procustes,
Non hic pascuntur plus Diomedis equi;
Librauit Minos Ecelini crimina iamq;
Tartareas pœnas iam ferus ille subit.
Non plus humano hic temerantur sanguine muri,
Non

*Non plus humano hic sanguine terra madet.
Haud rediturus abit Stygias Ecelinus ad undas,
Ergo tuum tutus carpe uiator iter.*

Epitaphium Diui Prosdocimi

*Diuus Prosdocimus iacet hic, Qui missus ad urbem hanc,
Ad Christi cultum transtulit Euganeos,
Vixit & hic etiam Patauos baptisate sacro.
Præclarus socius, discipulusq; Cephæ.
Præsulis inflexum manus hinc habet altera guttum,
Testem, quò Patauòs, lauit & Euganeos.*

Ad Ciues, & populum Patauinum

*Hic diuæ corpus Iustinæ conditur, illi hic
Confossum Christi pectus amore fuit.
Exultet tali hæc unde urbs decorata patrona,
Ex hac sitq; etiam uirgine tuta magis.
Iustinæ meriti donec tribuentur honores,
Soluentur donec debita uota Deæ,
Tantisper Pataui, qua libertate fruuntur
Gaudebunt, quæ uel prosperitate nitent.
Quas decet ergo Deæ grates iam reddite, uobis
Singula apud Venetos integra semper erunt.*
Ad

Ad nobiles Pataunos, & reliquos Ciues,

Treis habet hæc monteis mira urbs pietate refertos,

In plano quamuis ædificata solo.

Argenti, atq; auri positum ingens pondus in illis,

Seruatum sola commoditate inopum:

Quilibet expositos certo cum pignore numos

(Pro centum soluat dummodo quinq;) capte.

Iudæo hinc fœnus uetitum est, cum suppetat ex ijs

Copia numorum, quam quis habere cupit.

Hos Bernardinus monteis extruxerat olim

Feltrius, hanc urbem fœnore ut eriperet.

Dum monteis igitur rectè moderabitis istos,

(Credite) erit uestra urbs sospes, & incolumis.

Inscriptio lapidis uituperij.

Quod saxum prostat summa hic à parte palatii,

Effigiem Calicis, Quodq; sedilis habet.

Iste uituperij fertur locus, ære grauari

Huc super insiliunt, hicq; sedere solent.

Extitit Antoni hæc sententia dia beati,

Carcere obæratos soluere qui uoluit.

Cui non soluendo est (si uult) conscendere saxum,

Atq; potest nudas imposuisse nates.

Ad

*Ad Pataunos Ciues super feſto die decurſus
equorum, & felicis ingreſſus Dominiꝝ Ve
neti in hanc Patauinam ciuitatem.*

*Hæc lux à uobis niueo ſignanda lapillo,
Carrario eripuit uos ea quippe iugo.
Milite collecto Veneti hæc ſunt urbe potiti,
Fixere inq; foro hoc Marcia ſigna die.
Hinc igitur tota ludi exercentur in urbe,
Hinc æs campanum perſtrepit, hincq; tuba.
Hinc feſtus, lætusq; dies, hinc curſus equorum,
Annuus, hinc choreis compita pulſa ſonant.
Vxores, tutæq; nurus, tutiſſima uobis,
Hinc ſunt ueſtra, etiam pignora, rura, domus.
Iam Superis Pataui meritas exoluite grates,
Veſtra ſalus uobis prodijt à Venetis.
Nil mirum afflicta eripuit ſi nata parentem,
Fert ita naturæ lex pia, lexq; potens.*

*Ad Scholares qui facultatem ferendi
gladios flagitant.*

*Ingenium quiſquis doctrinis excolit, ille
Euoluat libros, temperet à gladijs.*

Ad eoſdem.

Qui

Qui studet, euoluat libros, ediscat eosdem,
Ense latus cingat miles, & arma ferat.

Inscriptio pontis dicti Pediculosi

Aequore ab Adriaco quæ merces undiq; ad urbem hæc
Mos erat aduerso flumine conuhere,
Publica pendebant hic uectigalia fisco,
Pondere pro rerum, pro gravitate simul.
Hinc igitur sumpsit pons hic à pondere nomen,
Quod librarentur singula ponderibus.

Inscriptio pontis uocati delli Graici

Cum peteret bello, premeretq; Cleonymus agrum hunc
Ad Veneta expositis littora militibus,
Comissa Pataui pugna hic fudere pelasgos,
E quibus ad naues pars quota uix redijt.
Pro cæsis igitur græcis, procul hincq; fugatis,
Græcorum ponti nomen habere datum.

Inscriptio Pontis Altinatis

Hic Altinates laribus, patriaq; relictis,
Dum metuunt prædas, dum metuuntq; necem,
Attyla nanq; igni, uastabat, & omnia ferro,

